


Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-04-41956-2/20
Sarajevo, 25.02.2021. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničko pitanje, *dostavlja se.*

Zastupnik Igor Stojanović, je na 30. Radnoj sjednici Skupštine Kantona Sarajevo, održanoj dana 03.11.2020. godine u okviru tačke Dnevnog reda "Poslanička pitanja, inicijative i odgovori", postavio zastupničko pitanje koje glasi:

"Kada će Nacrt odluke o vodozaštitnim zonama za Sarajevsko polje doći u Skupštinsku proceduru i dalju obradu?"

Pitanje postavljam jer se navedeni nacrt Odluka već više od 2 godine ne pomjera sa mrtve tačke, a bespravna gradnja uzima sve više maha.

Odgovor na poslaničko pitanje:

Ministarstvo privrede na isto ovo pitanje više puta je odgovorilo, a zadnji put 07.07.2020. godine, pod brojem: 07-05-21-20702-22/20.

Imajući u vidu složenost, važnost zaštite i značaj izvorišta vode za piće u Sarajevskom polju, Ministarstvo privrede planira da Komisija koja je pripremila *Nacrt Privremene odluke o zaštiti izvorišta vode za piće „Sarajevsko polje“*, izvrši njenu prezentaciju Vladi Kantona Sarajevo, kako bi se ista upoznala sa svim detaljima koji se odnose na obuhvat, mjere zaštite, zabrane i finansijske obaveze koje predviđa predloženi Nacrt Privremene Odluke.

Razlozi za prezentaciju su ti što su granice obuhvata postojeće važeće Odluke iz 1987. godine mnogo šire od granica koje se predlažu Privremenom Odlukom, jer su granice Privremene odluke određene na osnovu važećeg *"Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije Bosne i Hercegovine“, broj: 88/12)"*, u skladu s kojim je urađen Elaborat o zaštiti izvorišta "Sarajevsko polje", a važeći Pravilnik svojim odredbama u velikoj mjeri skraćuje zone sanitarne zaštite.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Skraćenje zona samo po sebi predstavlja problem prilikom provođenja mjera zaštite te stvaranje ozbiljnih pretpostavki za trajnu uzurpaciju štićenog područja te stvaranje osnova za promjenu namjene do sada štićenog vodozaštitnog prostora u obuhvatu zona sanitarne zaštite.

Nakon prezentacije Nacrta Privremene odluke Vladi Kantona Sarajevo i nakon datih smjernica nastaviti će se sa daljim aktivnostima na njenom usvajanju.

Dok se Privremena Odluka ne usvoji napominjemo Vas da je na snazi Odluka o zaštiti izvorišta vode za piće u Sarajevskom polju („Službene novine Grada Sarajeva“, broj 2/87) i iste se treba striktno pridržavati, a upravitelj zona KJKP "Vodovod i kanalizacija " d.o.o. Sarajevo i nadležni inspekcijski organi trebaju preduzimati sve neophodne mjere i zakonom data ovlaštenja u cilju zaštite granica zona i kvaliteta vode u izvorištima.



Dostavljeno:

- ① - Skupštini Kantona Sarajevo,
- Vladi Kantona Sarajevo,
- a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

